

‘Afka oo la Awdo Xaqqu Kuma Ciribtirmo’

12 Rabiicul Awal 1444H (08 October 2022) – Markii ugu horeysay ee uu Allaah Qur’aanka Kariimka ah soo dejiyay, quluubta Mu’miniintana Tawxiidka ku qooyey, waxay gaaladii Qureysh geed dheer iyo mid gaabanba u fuushay sidii afka loo awdi lahaa xaqqu, waxayna saadaalisay in tabta keliya ee looga hortegi karo ay tahay inay dadka laga fogeeyo maqalkiisa iyagoo ka cabsi qaba in Aayaatka Allaah ay saamayn ku yeeshaan quluubtooda.

Xeeladdan Sheydaaniga ah ayaa ahayd hubka ugu weyn ee ay u adeegsan jireen ka hortagga dacwada xaqqu ah ee lala soo saaray Nebi Muxammad (sallalahu calayhi wasallam). Allaah subxaanahu watcaalaa isagoo arrinkaa ka warramaya ayaa wuxuu yiri:

{وَقَالَ الَّذِينَ كَفَرُوا لَا تَسْمَعُوا لِهَذَا الْقُرْآنِ وَالْغَوْا فِيهِ لَعَلَّكُمْ تَعْلَمُونَ} [فصلت: 26]

Kuffaartii Qureysh kuma aysan gaabsan keliya inay dadka ka hor istaageen dhegeysiga xaqqu balse waxay ku darsadeen inay waddooyinka u istaagaan oo ku buuqaan, si uu codkooda baadilka ah uga saramaro codka xaqqu ah ee Qur’aanka. Maalintaas wixii ka dambeeyay waxay dhamaan gaalada iyo gaala-raacyada murtadiinta ah isku dardaarmayeen inay ummada ka hor istaagaan dacwada xaqqu ah iyagoo adeegsanaya wadiiqo kasta oo ay u mari karaan arrintaas.

Waana sidaas falcelinta maamul walba oo Kaafir ah, kaaso oo ay xujjadu ku oogantay, xaqana u caddaaday, balse aan u heli karin wax uu ku difaaco, oo aan ka ahayn inuu dhegaha ka furaysto, ummadana ku qasbo inaysan dhegeysan, isagoo ku rajo weyn in aanu xaqqu ku dhex faafin.

Xukuumadda riddada Soomaaliyeed oo dagaalkaas soo jireenka ah ee lagula jiro Islaamka iyo Muslimiinta kaga dayaneyso Kuffaartii Qureysh, halkaasna ka ambaqaadeysa ayaa ku amartay warbaahinta Soomaaliya ka hawlgasha in aysan baahin karin dacwada xaqqu ah ee ay wadaan Mujaahidiinta.

Kadib markii ay ku khasaartay gulufkii ay soo kicisay ee ka dhanka ahaa Shareecada Islaamka, waxay xukuumadda riddada Soomaaliyeed bilowday inay warbaahinta cadaadiso, una cagajugleeyso, kuna khasabto inay wararkeeda keliya tebiyaan, iyadoo doonaysa inay sidaas ku damiso nuurka Allaah ee iftiimaya, kuna caburiso risaalada xaqqu ah ee ay wadaan Mujaahidiinta, dadkana kaga daboosho, kana hor istaagto inay helaan xogta saxda ah iyo xaqiiqada dagaalka ay xukuumadda riddada ah ku jirto ee ka dhanka ah Shareecda Islaamka.

Tallaaban ay ku dhaqaaqday Xukuumadda riddada Soomaaliyeed ayaa qayb ka ah loollanka dheer ee ay ugu jirto la dagaallanka Kitaabka Allaah iyo awliyadiisa Mu’miniinta ah. Loollankan oo u dhexeeya

Mu’miniinta ahlu xaqqa ah, isbaheysiga gaalada iyo murtadiinta ee ahlu baadilka ah ayaa weligiis ku taagnaa 2 tiir oo asaasi ah:

1. Midka kowaad waa dagaalka gacanta ee fool-ka-foolka ah.
2. Midka labaadna waa dagaalka afka ee ku dhisan xujjada iyo bayaanka

Inkastoo ay dhacdo in Muslimiinta dagaalka fool-ka-foolka ah marmar looga adkaado goobaha qaar, hadana taariikhda Islaamka – middii hore iyo tan dambe intaba – marna ma dhicin in meydaanka xujjada iyo burhaanka looga adkaado, weligeedna ma dhici doonto, sababtoo ah Allaah ayaa Mu’miniinta ugu gargaaray Aayaat cad cad oo bayinaat ah iyo xujooyin waaweyn oo aan la beenin karin.

Waxaana Xukuumadda riddada Soomaaliyeed iyo madaxda Murtadiinta ah ee hogaamisa ku kallifay inay ku dhaqaaqaan arrintan ayada ah inay doonayaan inay ku qariyaan guuldarradii ay kala kulmeen goobaha dagaalka, kuna duugaan cadeymaha Mujahidiinta ee burinaya dhamaan beenta ay baraha bulshada ku baahinayaan, muslimiintana ku marin habaabinayaan.

Waa xukuumad ridda ah oo ku guuldarraysatay goobaha dagaalka, horayna ugu guul darraysatay meydaanka xujjada, waxayna muddo hadda laga joogo hal sano iyo dheeraad jawaab u la’dahay su’aalihii adkaa ee lagu weydiiyay silsiladdi **“saa’a maa yaxkumuun”** kuwaas oo ku saabsanaa gaalnimada dastuurka ay ku dhaqmaan iyo kufriga weyn ee ay dhex maquuseen. Welina waa looga fadhiyaa inay ka jawaabaan.

Wuxuu cadaadiskan warbaahineed caddeyn u yahay kalsoonida lagu qabo warbaahinta mujaahidiinta iyo sidqiga risaaladeena, sababtoo ah waxaan ku taaganahay ummadana ugu yeerayno ayaa ah usuul sugan oo gun adag, kuwaas oo umadda Islaamka oo dhan ay isku waafaqsantahay, waana Towxiidka Allaah in la kor yeelo, Shareecada Allaah in la hirgeliyo iyo in cibaadada iyo xukunka intaba Allaah keliya loo khaalis yeelo.

Wuxuu dhanka kale cadaadiskan warbaahineed muujinayaa kalsooni darrada lagu qabo wararka xukuumadda ridda Soomaaliyeed ee beenta iyo barobagaandada ku caanbaxday, taas oo ay ku dooneyso inay ku hanato quluubta Muslimiinta, balse ay ku hungoowday Allaah fadligiis

Hadaba iyadoo laga ambaqaadayo loollankaas soo jireenka ah ee u dhexeeya xaqqa iyo baadilka, ayaa waxaan halkan uga digeynaa dhamaan warbaahinta ka shaqeysa gudaha Soomaaliya inay ka qayb qaadata dagaalka ka dhanka ah Shareecada Islaamka. Warbaahin kasta oo si bareer ah ama si dadban ula safata gaalada saliibiyiinta ah iyo xukuumadda riddada Soomaaliyeed, kana qayb qaadata duminta Shareecada Islaamka iyo dhaleecaynta Jihaadka lagula jiro cadowga dalka kusoo duuley, waxaan u aqoonsaneynaa inay qayb ka tahay duullaanka saliibiga ee lagu soo qaaday dalkeena ee ay gaaladu hormuudka ka tahay.

Waxaanna dhamaan saxafiyiinta ka hawlgala Soomaaliya ugu baaqeynaa inaay mihnadooda saxaafadeed u gutaan si hufan oo sidqi iyo amaano ku dheehan tahay. Waxaan aad u bogaadineynaa warbaahinta Mujaahidiinta ee sida hufan ee amaanaada iyo nafhurka leh ummadooda ugu adeegaya,

ugana haqabtiraya wararka dalka iyo dibadda, iyagoo xog hufan oo lagu kalsoon yahay usoo gudbinaya.

Waxaan u digaynaa qof walba, urur walba iyo shirkad walba oo ay murtadiintu ku qanciyaan inay qayb ka noqdaan dagaalka looga soo horjeedo Shareecada Islaamka, laguna taageerayo gaalnimada, dimuquraadiyada iyo ilxaadka cadawgu doonayo inay ka hirgeliyaan dhulkaan Soomaaliyeed ee Muslimiintu leeyihiin. Marna Mujaahidiintu kama laba-labayn doonaan inay tallaabo ku haboon ka qaadaan cid walba oo ka gudubta xuduudda Allaah, kuna dhiirata ka qayb noqoshada mashaariicda ashahaado la dirirnimada ah.

Ugu dambeyn, dhulka Muslimka ah ee Soomaaliya marna hooy aamin ah uma noqon doono saliibiyiinta reer galbeedka, soo duuleyaasha Afrikaanka ah iyo dabadhilifyada Murtadiinta ah Insha-Allaah, mana heli doonaan gabbaad iyo dhufays ka difaaci kara weerarrada Mujaahidiinta ama ciidamada Towxiidka ka hor istaagi kara fulinta hadafkooda.

Xarakada Mujaahidiinta Al-Shabaab waxay u dagaallameysa dhawritaanka badqabka Ummadda Muslimka ah, hirgelinta Shareecada Islaamka iyo inay dhamaan dhulalka Muslimiinta ah ka xoreyso gaalada iyo ujeedooyinkooda gurraacan. Waxay Xarakada Mujaahidiinta Al-Shabaab ballan ku qaaddeysaa inay sii wadi doonto Jihaadka ka dhanka ah isbahaysiga caalamiga ah ee saliibiyiinta iyo dabadhilifyadooda murtadiinta ah ilaa ay geyiga Soomaaliyeed ka saareyso cadowga hororka ah ee ku soo duuley, iyo illaa diinta dhamaanteed ay Allaah keliya u sugnaaneyso. Allaah, subxaanahu watacaalaa, wuxuu yiri:

وَقَاتِلُوهُمْ حَتَّى لَا تَكُونَ فِتْنَةٌ وَيَكُونَ الدِّينُ لِلَّهِ فَإِنْ انْتَهَوْا فَلَا عُدْوَانَ إِلَّا عَلَى الظَّالِمِينَ [البقرة:193]



﴿ وَلِلَّهِ الْعِزَّةُ وَلِرَسُولِهِ وَلِلْمُؤْمِنِينَ وَلَكِنَّ الْمُنَافِقِينَ لَا يَعْلَمُونَ ﴾